

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Odbor za ekonomsku i razvojnu politiku,  
finansije i budžet

Primljeno: U 4 -03- 2025			
Org. jed.	Broj	Priloga	Vrijednost

Broj: 02/11-02-563/25  
Sarajevo, 4.3.2025.

**DOMU NARODA  
PARLAMENTA FEDERACIJE BOSNE I HERCEGOVINE**

Odbor za ekonomsku i razvojnu politiku, finansije i budžet Doma naroda Parlamenta Federacije Bosne i Hercegovine održao je 23. sjednicu Odbora dana 4.3.2025. godine. Sjednici Odbora prisustvovalo je pet članova Odbora, čime su ispunjeni uslovi za punovažan rad u pogledu kvoruma i odlučivanja.

Na sjednici je usvojen sljedeći dnevni red:

1. Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine – skraćeni postupak,
2. Prijedlog zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana – skraćeni postupak,
3. Nacrt zakona o kontroli cijena,
4. a) Strategija upravljanja dugom 2023.-2025. godine,  
b) Strategija upravljanja dugom 2024.-2026. godine,
5. Inicijativa za davanje autentičnog tumačenja Zakona o finansijskoj konsolidaciji privrednih društava u Federaciji Bosne i Hercegovine i Zakona o poreznoj upravi Federacije Bosne i Hercegovine, koju je podnijelo privredno društvo Rudnik uglja „Kreka“ d.o.o. Tuzla i Zaključak Vlade Federacije Bosne i Hercegovine.

Na osnovu člana 51. Poslovnika o radu Doma naroda Parlamenta Federacije BiH (“Službene novine Federacije BiH”, br. 27/03, 21/09, 24/20 i 60/24), Odbor podnosi Domu naroda sljedeći:

**IZVJEŠTAJ**

**1. Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine – skraćeni postupak**

Odbor je utvrdio da je Prijedlog zakona podnio ovlaštenu predlagača u skladu s čl. 155. i 172. Poslovnika o radu Doma naroda Parlamenta Federacije Bosne i Hercegovine. Nakon uvodnog izlaganja predstavnika predlagača, Odbor je jednoglasno podržao Prijedlog zakona te predlaže delegatima Doma naroda da usvoje Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine po skraćenom postupku.

**2. Prijedlog zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana – skraćeni postupak**

Odbor je utvrdio da je Prijedlog zakona podnio ovlaštenu predlagača u skladu s čl. 155. i 172. Poslovnika o radu Doma naroda Parlamenta Federacije Bosne i Hercegovine. Nakon uvodnog izlaganja predstavnika predlagača i rasprave na sjednici Odbora, Odbor

je jednoglasno podržao Prijedlog zakona te predlaže delegatima Doma naroda da usvoje Prijedlog zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana po skraćenom postupku.

### **3. Nacrt zakona o kontroli cijena**

Odbor je utvrdio da je Nacrt zakona podnio ovlaštenu predlagača u skladu sa članom 155. Poslovnika o radu Doma naroda. Odbor je obavio raspravu i pri izjašnjavanju podržao sljedeći zaključak:

1. Odbor za ekonomsku i razvojnu politiku, finansije i budžet Doma naroda Parlamenta Federacije BiH predlaže Domu naroda da prihvati Nacrt zakona o kontroli cijena kao osnovu za izradu Prijedloga zakona.
2. Odbor za ekonomsku i razvojnu politiku, finansije i budžet Doma naroda Parlamenta Federacije BiH predlaže da Dom naroda zaduži predlagača da organizuje i provede javnu raspravu u trajanju od 60 dana.
3. Odbor za ekonomsku i razvojnu politiku, finansije i budžet Doma naroda Parlamenta Federacije BiH predlaže da Dom naroda zaduži predlagača da prilikom izrade Prijedloga zakona uzme u obzir sve prijedloge, primjedbe i sugestije iznesene u raspravi, kao i one dostavljene pisanim putem.

4. a) **Strategija upravljanja dugom 2023.-2025. godine**  
b) **Strategija upravljanja dugom 2024.-2026. godine**

Odbor je primio na znanje Strategiju upravljanja dugom 2023.-2025. godine i Strategija upravljanja dugom 2024.-2026. godine.

5. **Inicijativa za davanje autentičnog tumačenja Zakona o finansijskoj konsolidaciji privrednih društava u Federaciji Bosne i Hercegovine i Zakona o poreznoj upravi Federacije Bosne i Hercegovine, koju je podnijelo privredno društvo Rudnik uglja „Kreka“ d.o.o. Tuzla i Zaključak Vlade Federacije Bosne i Hercegovine**

Odbor za ekonomsku i razvojnu politiku, finansije i budžet je razmotrio Inicijativu za davanje autentičnog tumačenja člana 9. Zakona o finansijskoj konsolidaciji privrednih društava u Federaciji BiH i člana 50. Zakona o Poreznoj upravi Federacije BiH, koju je podnijelo privredno društvo Rudnik uglja „Kreka“ d.o.o. Tuzla, kao i Zaključak Vlade Federacije BiH u vezi podnešene Inicijativa. S tim u vezi, Odbor za ekonomsku i razvojnu politiku, finansije i budžet je jednoglasno donio sljedeći Zaključak:

Odbor za ekonomsku i razvojnu politiku, finansije i budžet Doma naroda podržava Zaključak Vlade Federacije BiH u vezi Inicijative za autentično tumačenje, odnosno izjašnjenja Federalnog ministarstva finansija u vezi s članom 50. Zakona o Poreznoj upravi Federacije BiH i izjašnjenje Federalnog ministarstva energije, rudarstva i industrije u vezi s članom 9. Zakona o finansijskoj konsolidaciji privrednih društava u Federaciji BiH, da su odredbe članova navedenih zakona čije se tumačenje traži jasne i nedvosmislene, te da autentično tumačenje nije potrebno.

U skladu s članom 51. Poslovnika, za izvjestiteljku na sjednici Doma naroda ispred Odbora određena je Amra Babić, predsjednica Odbora.

PREDSJEDNICA ODBORA

  
Amra Babić